

广东通志

广东通志

廣東通志卷三百四

甲子重刊

列傳三十七 南雄

梅鎬

庾勝漢

張偲

梁

譚瑱

陳

麥鐵杖

子孟才季才

隋仲才

張宏雅

張九齡

子拯

張九皋

張九章

九賓

張仲方

張採

孔閏

以上唐

楊洞潛

南漢

許彥先

許致

許彥博

許安世

許牧

徐信

張漸

譚佺

粹

銳

拚

煥

鄧戒

弟闢

鄧酢

許益光

李應和

趙志科

鄭汝喬

陳表

海瑞

蔣蒙

王贊襄

王允升

王宏誨

王汝爲

陳大有

梁雲龍

子思泰

王懋德

王時元

陳大烈

黃可久

王天麟

張可載

王盤

牛大緯

陳應龍

許子偉

吳一瀾

董綾

何其義

潘之楫

黃壽之

王欽

莫乾亨

謝應華

子藹

陳是集

曾廷策

韋賢卿

唐鱗

唐冕

鄺信

吳敬

唐繼

曾士元

蒙端

陳傳嘉

雲名山

弟名元

王子聘

羊修

吳涵

陳宗昱

陳邦正

以上明

曾開

林銓

李朝欽

林運鑑

王宗佑

鄧朝麟

王啓宏

林昌運

馮侯

林典

鄭存禮

莫謩

曾允俊

張日旼

林春榮

林朱密

吳位和

王一聖

以上國朝

明

曾鵬字元翰瓊山人父英以正統甲子鄉薦宰茂
名清苦愛民鵬宏治辛酉鄉薦登正德甲戌進士
知龍溪兵荒相仍乃緩征捐俸修學築八都堤有
惠政祀名宦擢刑部主事厯福建副使辨冤獄如
神改貴州都勻兵備旬月平土寇蒙鉞招降海口
賊阿向適晉參政未行分守某欲自以爲功乃率
衆襲賊全軍覆沒撫臣急檄鵬終其事至則單車
入賊壘賊駭曰聞公已遷去今猶在耶鵬爲言禍
福遂解兵聽約束未幾以足疾乞休海瑞稱鵬先
輩以爲師法祀鄉賢

郭志

俞寬瓊山義士也爲人倜儻善言笑未嘗學問動必法古尤酷於利物遇有阨難者濟之宏治壬戌有婦暮投於舍問之曰我抱原寡人也強暴者欲污我故避去已不食三日矣義士以爲義命家人伴之且爲之餉明日婦辭去強暴者聞之恨義士阻阨其事以勢逮之獄誣其與抱原男子盜婦而匿之義士曰此節婦也我壯其事而食之則已去矣豈能匿者乎時無良有司故爲勢所脅甚爲之捶楚男子懼而自經義士於是殆不可逃矣嘗不勝痛則仰天一呼捶楚盡折人皆冤之獄三年不決一日誣義士者狂呼而死無可爲理者有司始

出之于獄亦寢其事嗚呼豈非天哉於時謂之者
曰理閒事者禍之階也可以爲戒矣義士曰不然
禍生於不測者數也數之所窮誰能逃之見人之
節義而濟其難此豈閒事也耶執之且堅他日有
囊錢布而過義士者悞遺於地義士追而與之未
嘗虞其他志嘗見人困踣於路而不能前者舉其
杖授之濟物之心始終不變禍害非所能恤也可
謂識義命者矣故當時相率皆稱俞義士云

鄭廷鵠撰

傳

謹案義士廷鵠外祖也

谷泰海南衛指揮平居以忠義自許宏治甲子春

督備東三所適南山等黎岐越萬州界流劫時兵
備副使王繼儒怯聞報黎賊者輒杖之泰曰官名
督備乃懼上司而忍吾民受害邪卽率官軍衝前
對敵射斬生擒奪回被虜賊已驚退後大踪復來
軍少奮戰不已遂死于賊

戴志

林士元字舜卿瓊山人正德庚午鄉薦甲戌進士
授行人冊封唐藩却餽金六十鎰乙酉擢南京戶
科給事中劾光祿少卿史俊都御史汪鉉併內外
不職者數十人仕路一清先後陳時務數十疏皆
極剴切擢湖廣副使流民與土戶爭田構兵連年
單騎入諭禍福遂息吏部郎中鄧尙義弟挾制守

令侵牟里黨按以法轉廣西參政征大藤峽有功
陞浙江按察使以憂歸遂不起祀桂林名宦晚年
家居戴笠躬明鄉人賢之所著有學思子中庸孟
子衍義讀經錄讀經附錄孔子世家顏子列傳討
論北泉論草及文集十卷祀鄉賢

郭志

陳大章字昭達瓊山人正德庚午鄉薦司訓漳州
遷安仁教諭擢竹谿令有政聲以終養家居杜門
誨子郡守張子宏雅重之

郝志

蔡仕儲字鍾秀瓊山人質粹行純博極羣書通五
經年十八爲人師年長以倍者皆北面執弟子禮
有河汾之風有司欲周其貧堅守疇如也高雷之

士越海從遊甚衆正德庚午領薦遊太學發尚書
人心道心之旨申明義利之辨門人同科林參政
士元亦贊其爲道先覺潛德化鄉云學者稱石南

先生

黃志

陳常字時敏瓊山人少孤貧讀書不爲記誦夜坐
沉思有所得卽書之觀中庸至廢寢食語人曰中
庸無所不貫吾人終身受用不盡領正德癸酉鄉
薦初任化州學正以憂起補甯州擢知桂平縣上
官黷貨常曰吾聞瘠已肥民不聞虐民媚上竟謝
職去士民泣送之祀名宦常性嚴格處屋漏如對
大廷鄭廷鵠稱篤實務學不近勢利

郭志

子應辰字

思齊性資端謹有父風長于詩文執父喪廬墓好
施予戚屬貧乏多所周濟辛酉以貢授古田臨川
司訓多曲成士類轉代藩教授辭歸家居十一年
屢空晏如也每題柱曰書本看來多少益菜根咬
得有餘香

瓊州志

吳效字復初瓊山人少遊邑庠當食餽遭內艱不
忍就其少子死於車輶車子惶懼請罪曰汝何心
誤傷耳里中多好訟廢學乃構精舍行朱呂鄉約
演四禮以勸說之祀鄉賢子會期另有傳

郝志

吳會期字行可瓊山人篤行古道正德己卯鄉薦
時僉憲汪鉉以所罰黎民悅七十金爲餽會期受

而還之民悅登嘉靖癸未進士授南戶部主事轉
工部郎中嘗營九廟稱旨又修七陵進正四品俸
服時嚴嵩當國欲會期附已私語同官熊某曰此
郎視京堂若固有足不一至吾門何迂也會期間
之作迂愚解嚴嫉之言者承嚴意旨論謫于外遂
拂衣歸肅皇晏駕衰服宿崇文院三日倚廬于中
門外者二十七日其忠愛如此立家廟置義田日
與親族相規勸海忠介稱貌古心實直指陳道基
常旌其門

郭志

汪有執字義甫瓊山人事繼母孝鄉閭並稱領正
德已卯鄉薦知海門歷官戶部員外郎悉稱職

郝志

吳誠字明卿瓊山人性敏嗜學領正德己卯鄉薦
初授柳城教諭督學重之檄掌八桂書院修柳城
志遷贛州教授修都臺志擢知龍南釐風弊釋士
人馮堯寃獄流賊爲患誠躬撫諭賊魁謝鉞李鑑
皆感泣而去尋討平沙頭賊徐守沐一方賴之致
政家居絕跡城市常參酌藍田鄉約率鄉人月朔
舉行當道造廬禮焉所著有鴈峯集百餘卷誠少
孤有姑適舉人李明年二十四孀居撫誠比姑卒
誠服衰三年人兩義之

郭志

俞宗梁字景山瓊山人正德己卯鄉薦嘉靖丙戌
進士博極羣書而性方直知新昌縣爲政嚴毅而

濟之以寬遇歲大祲設法施賑民賴全活者數萬
指有搶掠爲盜者勸諭歸農民怙恃如父母又毀
浮圖立社學旌孝節治行爲一時最擢南京刑部
主事歷郎中獻議惟平有豪貴囑重入者正色却
之常俸所入皆以奉母恤弟不入私囊及卒妻孥
不能自給侍郎鍾芳重之爲紀其行以傳焉

黃志

黃顯字仁叔瓊山人嘉靖壬午鄉薦辛丑進士授
刑部主事治獄多所平反抵中貴呂洪贓罪雪總
兵沈希儀誣誤皆不爲當軸屈出守撫州罷築干
金陂以蘇民困完逋數萬而刻核不及於下郡民
立祠祀焉以憂歸補池州尋擢湖廣副使時嚴嵩

方用事遂乞休卒祀鄉賢長子宏字字震祥少受學于尙書霍韜年十七舉嘉靖庚子順天鄉試登己未進士授戶部主事督運昌密陳五難三便監兌南都復以水災備陳損上益下用一緩二之義民困獲甦出守武昌作政約諭僚屬楚藩以事餽黃金百兩不受景王歸葬使人以禮諭中官復下令曰護軍敢譁言吾境者執之卒無敢譁者凡與利革弊恤獄賑饑俱有聲尋擢四川副使厯浙江參政以憂歸服闋陞見失儀遂致仕次子宏憲字賁祥嘉靖乙卯舉于鄉令南康著古制以自檢約建六議以正民風懸鉦告姦設匭稽弊捕巨寇葉